

Izveštaj o radu Uprave policije MUP-a Kantona Sarajevo za mjesec avgust 2018. godine

KRIMINALITET

OSNOVNI STATISTIČKI POKAZATELJI KRIMINALITETA

U mjesecu avgustu 2018. godine, na području Kantona Sarajevo registrovano je 305 krivičnih djela što je za 25 ili 7,6% manje u odnosu na isti mjesec prethodne godine.

Od ukupnog broja registrovanih krivičnih djela, 108 ili 35,4% izvršeno je od strane poznatih, a 197 ili 64,6% od strane nepoznatih izvršilaca.

Za 68 djela ili 34,3% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega su 44 krivična djela iz izvještajnog, a 24 iz ranijeg perioda.

Iz naprijed navedenog proizilazi da su službenici Uprave policije MUP-a KS u izvještajnom mjesecu za ukupno 176 krivičnih djela ili 57,7%, identifikovali osumnjičene izvršioce, što je za 0,2% manje u odnosu na isti mjesec prethodne godine.

Zbog postojanja osnova sumnje da su počinili krivična djela prijavljena su 153 lica (31 manje), od čega je 85 povratnika (29 manje) u izvršenju krivičnih djela (ili 55,6%), četiri maloljetnika (isto), a 59 lica je lišeno slobode (28 manje).

PREGLED KRIMINALITETA NA PODRUČJU KANTONA SARAJEVO U MJESECU AVGUSTU 2018/17. GODINE POSMATRANO PO
GLAVAMA KZFBiH-a i KZ BiH-a

KRIVIČNA DJELA	AVGUST 2018.	AVGUST 2017.	uporedba		rasvj. AVGUST 2018.g	
			+/-	%	broj kd	%
Protiv života i tijela	20	14	6	42,9%	17	85%
Protiv slobode i prava čovjeka i građanina	14	5	9	180%	13	92,9%
Protiv spolne slobode i morala	1	3	-2	-66,7%	1	100%
Protiv braka, porodice i mladeži	15	26	-11	-42,3%	15	100%
Protiv zdravlja ljudi	27	41	-14	-34,1%	27	100%
Protiv imovine	209	210	-1	-0,5%	87	41,6%
Protiv okoliša	0	1	-1	-100%	0	---
Protiv opće sigurnosti ljudi i imovine	5	9	-4	-44,4%	2	40%
Protiv sigurnosti javnog prometa	2	6	-4	-66,7%	2	100%
Protiv pravosuđa	2	0	2	---	2	100%
Protiv javnog reda i pravnog prometa	7	10	-3	-30%	7	100%
Protiv podmićivanja i kd protiv službene i druge od...	0	1	-1	---	0	---
Zakon o nabavljanju, držanju i nošenju oružja i municije (Sl.novine KS br. 01/18)	3	4	-1	-25%	3	100%
UKUPNO	305	330	-25	-7,6%	176	57,7%

U mjesecu avgustu 2018. godine u odnosu na isti mjesec prethodne, zabilježeno je smanjenje broja registrovanih krivičnih djela za 25 ili 7,6%. Smanjenje je registrovano u oblastima protiv zdravlja ljudi

(za 14 djela), braka porodice i mladeži (za 11), opće sigurnosti ljudi i imovine (za četiri), sigurnosti javnog prometa (za četiri), javnog reda i pravnog prometa (za tri), itd. dok je povećanje zabilježeno u oblastima protiv slobode i prava čovjeka i građanina (za devet), života i tijela (za šest) i pravosuđa (za dva djela).

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

Tokom mjeseca avgusta 2018. godine u ovoj oblasti evidentirano je 20 krivičnih djela (šest više u odnosu na uporedni mjesec) i to: ubistvo - jedno djelo (jedno manje), teška tjelesna ozljeda – šest (jedno više), lahka tjelesna ozljeda – 12 djela (pet više) i učestvovanje u tuči - jedno djelo (nije bilo ovih djela).

Ukupno je rasvijetljeno 17 djela iz ove oblasti, a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 19 lica, od kojih je osam povratnika ili 42,1%, a dva su lišena slobode.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 14 krivičnih djela (devet više) ugrožavanja sigurnosti, za čije izvršenje je prijavljeno 12 lica, od kojih je pet povratnika u činjenju krivičnih djela.

Krivična djela ugrožavanja sigurnosti počinjena su upućivanjem verbalnih prijetnji, pisanjem poruka prijetećeg sadržaja i sl. bez težih posljedica po oštećene.

KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirano je 15 djela (11 manje) i to - nasilje u porodici - 14 i oduzimanje djeteta ili maloljetnika - jedno djelo. Za izvršenje navedenih djela je prijavljeno 16 lica, od kojih je 10 povratnika, a osam je lišeno slobode.

KRIVIČNA DJELA PROTIV ZDRAVLJA LJUDI

Prijavljeno je 27 krivičnih djela iz oblasti protiv zdravlja ljudi (14 manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – dva i
- posjedovanje i omogućavanje uživanja opojnih droga (čl. 239. KZ FBiH) – 25 djela.

Zbog postojanja osnova sumnje da su počinili navedena djela podneseni su službeni izvještaji protiv 29, od kojih je 14 povratnika ili 48,3%, a 17 je lišeno slobode.

PREGLED ODUZETE KOLIČINE OPOJNIH DROGA U MJESECU AVGUSTU 2018/17. GODINE

VRSTA OPOJNE DROGE	avgust 2018. godine	avgust 2017. godine
Marihuana (u gramima)	245	77
Marihuana (paketići)	11	16
Marihuana (ručno spravljene cigarete)	2	5
Heroin (paketići)	1	2
Ecstasy (tablete)	---	37
Suboxon (tablete)	----	13
Amfetamin (paketići)	2	8
Pribor sa ostacima droge	2	3

KRIVIČNA DJELA PROTIV IMOVINE

U ovom mjesecu, registrovano je 209 krivičnih djela protiv imovine, što je za jedno djelo ili 0,5% manje u odnosu na isti mjesec prošle godine. Među djelima iz ove oblasti najbrojnije su: teške krađe – 125 djela (sedam manje), zatim krađe – 23 (dva manje), razbojništvo – 33 (osam više), oštećenje tuđe stvari – 11 (pet više), teška krađa u pokušaju – šest (jedno više), itd.

Za ukupno 87 ovih djela ili 41,6% identifikovan je osumnjičeni izvršilac što je za 4% veća rasvijetljenost ovih djela u odnosu na isti mjesec predhodne godine.

Kada su u pitanju teške krađe, prema objektu izvršenja najbrojnija su bila motorna vozila (otuđenja pmv i “provale” u ista) - 48 slučajeva (dva manje), zatim slijede stambeni objekti - 45 (dva manje), poslovni prostori - 23 (sedam više), itd.

Na području Kantona Sarajevo u mjesecu avgustu ove godine izvršeno je 26 krivičnih djela teških krađa motornih vozila od čega su tri ili 11,5% pronađena i vraćena vlasnicima (Uprava policije MUP-a KS, MUP RS-a i vlasnici – po jedno vozilo).

Broj teških krađa motornih vozila, smanjen je za za jedan ili 3,7%.

Prijavljena su 23 krivična djela krađe (dva manje), koja su izvršena osam puta na ulici, sedam u poslovnim prostorijama, tri u haustorima stambenih zgrada, dva puta u vozilima i na stajalištima GRAS-a, itd. odakle su otuđivani novčanici, bicikli, tehnička roba, cigarete, alat, itd.

Evidentirano je sedam krivična djela teških krađa na naročito opasan ili naročito drzak način (sedam manje), u kojima su izvršioc, upotrebom fizičke snage – šest puta i verbalnom prijetnjom u jednom slučaju, otimali novac i mobitele. Ova djela izvršena su na ulici - šest puta i jedno u prodavnici.

Ukupno je rasvijetljeno šest djela "drskih krađa" ili 85,7% (14,6% više), a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv četiri lica od koji su tri povratnika u činjenju krivičnih djela.

Registrovana su 33 krivična djela razbojništva (osam više), od čega je za 14 ili 42,4% djela identifikovan osumnjičeni izvršilac (što je za 22,4% više u odnosu na uporedni mjesec).

Ova djela izvršena su prijetnjom upotrebe vatrenog oružja - deset puta, prijetnjom upotrebe noža ili drugog oštrog predmeta – 14 i upotrebom fizičke snage – devet puta, a počinjena su u prodavnicama - 13 puta, na ulici - devet, u apotekama i benzinskim pumpama - po tri, sportskim kladionicama - dva, itd. Otuđivan je novac, mobiteli, cigarete, itd.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv deset lica, od kojih je sedam povratnika u činjenju krivičnih djela, a osam je lišeno slobode.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je pet djela (četiri manje) i to izazivanje opće opasnost - četiri i nesavjesno čuvanje pasa i drugih opasnih životinja - jedno djelo. Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv dva lica.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je sedam krivičnih djela (tri manje) i to: nasilničko ponašanje - četiri djela, nedozvoljeno držanje oružja ili eksplozivnih materija – dva i krivotvorenje isprave - jedno djelo. Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv sedam lica, od kojih su četiri povratnika, a jedno je lišeno slobode.

KRIVIČNA DJELA POČINJENA OD STRANE MALOLJETNIH IZVRŠILACA

U toku mjeseca avgusta 2018. godine prijavljena su četiri maloljetna lica zbog osnova sumnje da su počinili četiri krivična djela. U odnosu na uporedni mjesec, broj maloljetnih izvršilaca ostao je isti, dok je broj krivičnih djela za koja su prijavljeni, povećan za jedan (ili 33,3%).

Među prijavljenim maloljetnim izvršiocima, jedan je u dobi do 16 godina, a tri su u dobi između 16 i 18 godina. Od ukupnog broja maloljetnika tri su povratnika u izvršenju krivičnih djela.

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku izvještajnog mjeseca nije bilo registrovanih slučajeva aktiviranja minsko-eksplozivnih sredstava (jedan uporednom mjesecu).

U avgustu 2018. godine evidentirane su dvije anonimne dojave o postavljanju eksplozivnih naprava (nije bilo u avgustu 2017. godine).

POŽARI

Tokom mjeseca avgusta 2018. godine, na području Kantona Sarajevo registrovano je 11 požara (jedan manje), koji su za posljedicu imali nastalu materijalnu štetu.

Prema statističkim pokazateljima, devet požar izazvano je namjerno, a za dva požara uzroci spadaju u kategoriju ostalih.

Zbog izazivanja požara, nadležnom tužilaštvu podneseno je ukupno šest službenih izvještaja i to četiri iz člana 323. KZ FBiH-a (izazivanje opće opasnosti) i dva iz člana 301. KZ FBiH-a (paljevina).

SAMOUBISTVA

U mjesecu avgustu 2018. godine, registrovana su tri samoubistava (u avgustu prethodne godine nije bilo registrovanih slučajeva samoubistava) koja su izvršena na sljedeće načine: skakanjem sa visine – dva i utapanjem - jedno.

Izvršioци su dva muškarca i jedna žena i to u dobi od 40 do 60 godina - dva i preko 80 godina - jedno lice.

JAVNI RED I MIR

Zbog raznih oblika narušavanja javnog reda i mira u toku mjeseca avgusta 2018. godine, registrovano je ukupno 425 prekršajnih sankcija (prekršajni nalozi - 338, zahtjevi za pokretanje prekršajnog postupka - 87), protiv 462 učinioca. U odnosu na mjesec avgust 2017. godine, broj prekršajnih sankcija povećan je za 91 ili 27,2 %, dok je broj učinilaca prekršaja povećan za 120 ili 39,1%.

Na prekršaje utvrđene Zakonom o prekršajima protiv javnog reda i mira odnosi se 377 ili 88,7% naloga i zahtjeva, a na prekršaje koji su utvrđeni Odlukom općinskih vijeća 48 ili 11,3%. Od ukupnog broja prekršajnih sankcija, 61 se odnosi na lica koja su i ranije činila prekršaje (povratnici), jedna na maloljetna lica, a šest na strane državljane.

Prema starosnoj strukturi lica protiv kojih su preduzete prekršajne sankcije, od njih 462 najbrojniji su oni starosne dobi preko 36 godina (241), zatim između 26 i 35 godina (120), između 19 i 25 godina (100), dok je jedan maloljetni izvršilac.

Prema strukturi prekršaja, najveći broj prekršajnih sankcija registrovan je zbog prekršaja koji su učinjeni *prosjačenjem* – 201 ili 47,3% od ukupnog broja, a znatno manje zbog naročito drskog ponašanja (47 ili 11%), tuča (38 ili 8,9%), te odbijanja naređenja i omalovažavanja policijskih službenika (35 ili 8,2%). Zbog prekršaja učinjenih svađom, vikom i nepristojnim ponašanjem registrovano je devet i zbog ostalih prekršaja iz oblasti javnog reda i mira registrovano je 47 prekršajnih sankcija. Zbog prekršaja koji su sankcionisani Odlukom općinskih vijeća o javnom redu i miru registrovano je 48 prekršajnih sankcija.

Tabelarni pregled strukture prekršaja iz oblasti javnog reda i mira
za mjesec avgust 2018/2017. godine

STRUKTURA PREKRŠAJA	AVGUST 2018.	AVGUST 2017.	+ - %
UKUPNO prekršajnih naloga i zahtjeva za ppp	425	334	+91 ili 27,2%
UKUPNO lica	462	342	+120 ili 35,1%
Prekršaji prema Zakonu o prekršajima protiv JRiM:	377	288	+89 ili 30,9%
-Tuča	38	25	+13 ili 52%
-Naročito drsko ponašanje	47	43	+4 ili 9,3%
-Odbijanje naređenja i omalovažavanje pol. služb.	35	23	+12 ili 52,2%
-Prosjačenje	201	142	+59 ili 41,5%
-Paljenje petardi	1	0	+1
Uživanje opojne droge na javnom mjestu	0	0	---
-Svađa, vika, nepristojno ponašanje	9	9	isto
-Ostali prekršaji	46	46	isto
Ukupno naloga/ zahtjeva prema Odluci o.v. o JRM	48	46	+2 ili 4,3%

U odnosu na mjesec avgust 2017. godine, evidentirano je povećanje broja kod svih prekršajnih sankcija, osim kod prekršaja učinjenih svađom, vikom, nepristojnim ponašanjem i ostali prekršaji gdje je ostao isti broj sankcija kao i u avgustu 2017. godine.

Posmatrano po mjestu izvršenja, najveći broj prekršaja iz oblasti javnog reda i mira izvršen je na ulici i na drugim otvorenim prostorima - 397 ili 93,4 %, a znatno manje u ugostiteljskim objektima – 16, trgovinskim i zanatskim radnjama – jedan i na ostalim mjestima - 11.

U odnosu na uporedni mjesec avgust, smanjen je broj prekršajnih sankcija zbog prekršaja izvršenih na ostalim mjestima i u trgovinskim i zanatskim radnjama. Kada je riječ o povećanju, statistički podaci govore da je povećan broj prekršajnih sankcija zbog prekršaja izvršenih na ulicama i drugim otvorenim prostorima i u ugostiteljskim objektima.

Prilikom narušavanja javnog reda i mira, u slučajevima koji su sankcionisani u skladu sa Zakonom o prekršajima protiv javnog reda i mira, nije bilo teže povrijeđenih lica (kao ni u istom mjesecu 2017. godine), dok je lakše povrijeđeno 10 lica (dva ili 25% više).

Na području Kantona Sarajevo održano je 297 javnih skupova (102 ili 52,3% više u odnosu na avgust 2017. godine). Policijski službenici su proveli planske aktivnosti javnih skupova koji su protekli bezbjedno. U 135 slučajeva izvršeno je KDZ osiguranje.

SAOBRAĆAJ

Na području Kantona Sarajevo u mjesecu avgustu 2018. godine u odnosu na isti mjesec prethodne godine smanjen je ukupan broj saobraćajnih nezgoda, nezgoda sa nastradalim licima, nezgoda sa materijalnom štetom kao i broj povrijeđenih lica.

Registровано je 829 saobraćajnih nezgoda (171 ili 17,1% manje u odnosu na avgust prethodne godine), od čega je 755 sa materijalnom štetom (159 ili 17,4% manje) i 74 sa nastradalim licima (12 ili 14% manje). U navedenim nezgodama nije bilo poginulih lica, devet je teže, a 78 lica je lakše povrijeđeno.

U naselju su registrovane 732 saobraćajne nezgode (63 sa povrijeđenim licima i 669 sa materijalnom štetom), a van naselja 97 nezgoda (11 sa povrijeđenim licima i 86 sa materijalnom štetom).

Evidentirano je 114 saobraćajnih nezgoda na raskrsnicama u naselju, 34 na raskrsnicama van naselja, dvije na pješačkim prelazima, jedna na prelazu preko željezničke pruge i 678 saobraćajnih nezgoda čije se karakteristike puta ubrajaju u kategoriju ostalih.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
ZA MJESEC AVGUST 2018/17. GODINA

	avgust 2018.	avgust 2017.	uporedba	
			+,-	%
UKUPAN BROJ SAOBRAĆAJNIH NEZGODA	829	1000	-171	-17,1%
SAOBRAĆAJNE NEZGODE SA NASTRADALIM LICIMA	74	86	-12	-14%
SAOBRAĆAJNE NEZGODE SA MATERIJALNOM ŠTETOM	755	914	-159	-17,4%
POGINULO LICA	0	3	-3	---
- vozači	0	1	-1	---
- putnici	0	0	0	---
- pješaci	0	2	-2	---
POVRIJEĐENO LICA	87	122	-35	-28,7%
- vozači	45	58	-13	-22,4%
- putnici	28	48	-20	-41,7%
- pješaci	14	16	-2	-12,5

POSLJEDICE SAOBRAĆAJNIH NEZGODA

Tokom mjeseca avgusta 2018. godine, u saobraćajnim nezgodama na području Kantona Sarajevo nastradalo je ukupno 87 lica (38 ili 30,4% manje).

TABELARNI PREGLED NASTRADALIH LICA (POGINULA, TEŠKO I LAKŠE POVRIJEĐENA) U SAOBRAĆAJNIM NEZGODAMA U
MJESECU AVGUST 2018/17. GODINE

učesnici u saobraćaju	avgust 2018. godine	avgust 2017. godine	uporedba	
			+/-	%
vozači	45	59	-14	-23,7%
putnici	28	48	-20	-41,7%
pješaci	14	18	-4	-22,2%
UKUPNO	87	125	-38	-30,4%

Nije bilo poginulih lica (u uporednom mjesecu tri), dok je 87 lica povrijeđeno (35 manje), devet teže (tri manje) i 78 lakše (32 manje).

Kada je u pitanju stepen povreda, šest vozača je teže, a 39 lakše povrijeđeno, jedan putnik teže, a 27 lakše povrijeđeno, dok su dva pješaka teže, a 12 lakše povrijeđeno.

Starosna struktura nastradalih osoba u saobraćajnim nezgodama je slijedeća:

- do 17 godina – devet lica,
- od 18 do 30 godina - 35,
- od 31 do 40 godina – 14,
- od 41 do 50 godina – sedam,
- od 51 do 65 godine – 14 lica, itd.

•

Starosna struktura nastradalih vozača u saobraćajnim nezgodama je slijedeća:

- od 18 do 23 godine – šest lica,
- od 23 do 30 godina – 11,
- od 30 do 40 godine – 14,
- od 40 do 50 godina – pet,
- od 50 do 60 godina - tri lica, itd.

Prema kategoriji i karakteristikama puta, najveći broj saobraćajnih nezgoda registrovan je:

- na ulicama u naselju – 643 nezgoda u kojima je 51 lice povrijeđeno,
- na magistralnim putevima – 80 (11 lica povrijeđeno),
- na lokalnim putevima – 45 (pet lica povrijeđeno),
- na regionalnim putevima – 41 (četiri lica povrijeđeno),
- i na putevima koji se ubrajaju u kategoriju ostalih – 20 saobraćajnih nezgoda (tri lica povrijeđeno).

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 701 (u kojima su 52 lica povrijeđena, od čega pet teže i 47 lakše),
- neprilagođena brzina - 122 (33 lica povrijeđena, dva teže i 31 lakše) i
- uticaj alkohola – šest nezgoda (dva lica teže povrijeđena).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca avgusta 2018. godine, policijski službenici Uprave policije MUP-a Kantona Sarajevo kontrolisali su ukupno 15.819 vozila (3.922 manje), izvršen je pregled 104 vozila (71 manje) i 115 lica u tim vozilima (70 manje).

Zbog tehničke neispravnosti iz saobraćaja su isključena 54 vozila (37 više), 239 vozača je zatečeno da upravljaju vozilom pod dejstvom alkohola (42 više), 400 bez korištenja sigurnosnog pojasa (47 više), 118 bez položenog vozačkog ispita (42 više), 494 su zatečena u korištenju mobitela (222 više) i 254 vozila su učestvovala u saobraćaju bez važeće registracije (161 više).

Zbog kršenja propisa iz oblasti sigurnosti saobraćaja uručena su 14.524 prekršajna naloga vozačima (1.304 ili 8,2% manje u odnosu na avgust prošle godine) i podneseno 25 zahtjeva za pokretanje prekršajnog postupka (devet ili 26,5% manje).

Protiv vozača koji su vozila nedozvoljeno parkirali na javnim površinama, uručena su 5.502 prekršajna naloga (1.183 manje), upozoreno je 347 vozača (šest više), a specijalnim vozilom "pauk" premješteno 150 vozila (60 manje).

Takođe, pješacima koji su kršili saobraćajne propise odnosno nepropisno se kretali uručeno je 488 prekršajnih naloga (276 više), a upozoreno je 45 pješaka (66 manje).

ZAKONITOST U RADU

Tokom mjeseca avgusta 2018. godine, nije bilo registrovanih napada na policijske službenike Uprave policije MUP-a KS (u avgustu 2017. godine registrovan je jedan napad).

Policijski službenici su u pet slučajeva opravdano upotrijebili silu (dva više) i to fizičku snagu i sredstva za vezivanje (službene lisice) - pet puta .

Tokom mjeseca avgusta 2018. godine, razmatrana je 21 predstavka na rad službenika policije. Nakon razmatranih predstavlki Odbor za žalbe građana Skupštine Kantona Sarajevo donio je zaključak da se za deset predstavlki izvrše provjere i prikupi dokumentacija, za tri da se provede unutrašnja istraga, za četiri da nema osnova za provođenje unutrašnje istrage, za dvije predstavlke Odbor se oglasio nenadležnim i dvije je primio k znanju.

Od ukupno razmatrane 21 predstavke, 16 je podneseno od strane građana, a pet predstavljaju saznanja u službi.

Okončano je pet unutrašnjih istraga, među kojima je jedna osnovana, jedna neosnovane, u dva slučaja nije bilo dovoljno dokaza, a u jednom slučaju istraga je okončana ocjenom oslobađajuća.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U mjesecu avgustu 2018. godine evidentirana su tri djela regulisana ZONDINOiM-om (jedno manje) počinjena od strane tri lica.

U sklopu aktivnosti na oduzimanju nelegalno posjedovanog oružja i drugih predmeta oduzeto je: četiri pištolja, 15 komada municije, itd.

U izvještajnom mjesecu fizičkim licima izdata su 62 odobrenja za nabavku vatrenog oružja (16 više) i 44 oružna lista (66 manje).

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali brojne aktivnosti u cilju uspostavljanja što bolje saradnje sa građanima, mjesnim zajednicama, školama, predstavnicima vjerskih zajednica, raznim udruženjima građana, nevladinim organizacijama, socijalnim radnicima, javnim ustanovama i pravnim licima.

U sklopu projekta „Policija u zajednici“ preduzimane su, između ostalog, sljedeće aktivnosti:

- Nastavljene su aktivnosti na realizaciji projekta ICITAP-a „Uklanjanje grafita“. U sklopu tih aktivnosti policajci u zajednici su između ostalog, prilikom realizacije kampanje pod nazivom „Uklanjanje grafita-Zona bez grafita“ u osnovnim i srednjim školama kao i drugim dozvoljenim mjestima postavili plakate sa natpisom „Zajedno za ljepše Sarajevo“,
- Kontinuirano je vršen obilazak vjerskih objekata, sa akcentom na dane vjerskog praznika Bajrama,
- Nastavljene su aktivnosti na provođenju kampanje „Neko te voli“, s ciljem smanjenja broja učesnika u saobraćaju koji koriste mobilne telefone.
- Policijski službenici su intenzivno sarađivali sa Turističkom zajednicom Kantona Sarajevo, u vezi lične bezbjednosti turista kao i ostalih građana s akcentom na općinu Stari Grad i uže jezgro Bašćaršije,
- Policijski službenici su intenzivno obilazili objekte gdje dolazi do veće transakcije novca - banke, trgovački centri i sl. te radili na prikupljanju bezbjednosno interesantnih saznanja po pitanju krivičnih djela razbojništva, teših krađa motornih vozila, provalnih krađa u stanove i slično, a sve u cilju uspostavljanja sigurnijeg i kvalitetnijeg ambijenta življenja.

Sarajevo, 19.09.2018. godine

Odjeljenje za odnose sa javnošću